



Inatsisartut

Aningaasaqarnermut Ataatsimiititaliap

Finansudvalget

Ulloq/Dato:

4. december 2009

J.nr.:

01.31.06/09-00447

Aningaasaqarnermut Naalakkersuisoq

Aningaasaqarnermut Ataatsimiititaliap suliaq nr. 01.31.06/09-00447 pillugu tallimangornermi ulloq 4. december 2009-mi aalajangiineranik Naalakkersuisunut ilisimatitsineq.

Nunatta Karsianit Qaasuitsup Kommunianut taarsigassarsisitsineq

Naalakkersuisut **inassutigaaat**,

- Nunatta Karsianiit Qaasuitsup Kommunianut 2009-mi 53 mio. kr.-inik taarsigassarsisitsisoqassasoq, ukiumut 6 %-imik ernialersorneqartussanik ukiunilu 2010-miit 2012-imut, ukiumi pineqartumi ulloq 30. september akilerneqareersimasussanik, ukiumut 17.667.000 kr.-inik taarsersorneqartussanik
- konto pingaarneq 20.10.41 Kommuninut taarsigassarsiarititat, taarsigassarsiarititat AI2009-mut ilassutitut aningaasaliissutitut ilanngunneqassasoq 2009-mi 53.000.000 kr.-inik aningaasaliiffigalugu
- kontumut pingaarnermut 20.10.41-mut oqaasertaliussamik ilanngussisoqassasoq, taarsigassarsisitsisinnaanermut tunngaviliisumik
- kontumi pingaarnermi 20.10.41-mi, Kommuninut taarsigassarsiarititat, taarsigassarsiat, taarsigassarsiarititat erniaat akilersuutitaallu AI2010-mut ilanngunneqassasut 2010-mi ilassutitut aningaasaliissuteqarnissamik qinnuteqarnikkut

Aningaasaqarnermut Ataatsimiititaliap oqaaseqaatai

Nunatta Karsiata Qaasuitsup Kommunianut immikkut ittumik taarsigassarsisitsinissaa Naalakkersuisut suliami matumani qinnutigaaat. Kommunip 52,7 mio. kr.-inik Akileraartarnermut Aqutsisoqarfimmut akiitsoqarneranik Akileraartarnermut Aqutsisoqarfiup naatsorsuina taarsigassarsiniarnermut tunngaviuvoq. Ukiut siuliini inaarutaasumik nalunaarsuutit misissorneqarnerannut atatillugu akileraarutininik iluarsisutit akiitsunut annerpaamik pissutaapput. Tamatuma saniatigut akileraarutininut A-nut Qaanaap kommuniusimasup akiliisarsimanginnera akiitsoqalernermit pissutaavoq.

Taarsigassarsisitsinermi atugassarititaasut oqaasertaliussami siunertamut suliarineqartumi erseqqinnerusumik allaaserineqarput, taannalu ima oqaasertaqarpoq:

” Konto pingaarnermut 20.10.41 Kommuninut taarsigassarsiarititat, taarsigassarsiarititat

Kommunip akiliisinnaassuseqarnikkut pisariaqartitaanik aningaasalersuinissamut Qaasuitsup Kommunianut 2009-mi 53 mio. kr.-inik sinaakkutissat iluanni taarsigassarsisitsinissamut Naalakkersuisut piginnaatinneqarput. Taarsigassarsiat u.a. 6 %-imik ernialersorneqassapput Naalakkersuisullu erseqqinnerusumik piumasagaatinik aalajangersaanerat naapertorlugu akilersorneqassallutik. Taarsigassarsiat tamakkiisumik kingusinnerpaamik 1. januar 2013-mi akilerneqarsimassapput.

Oqaasertaliussanut nassuiaatit:

Konto pingaarnermut 20.10.41 Kommuninut taarsigassarsiarititat, taarsigassarsiarititat

Kommunip akiliisinnaassuseqarnikkut pisariaqartitaanik aningaasalersuinissamut Qaasuitsup Kommunianut annerpaamik 53 mio. kr.-inik nunatta karsianiit taarsigassarsisitsinissamut oqaasertaliussat Naalakkersuisunut piginnaatitsilerput.

Oqaasertaliussat aamma taarsigassarsisitsinermut atatillugu kommunip naammassisassaanik taarsigassarsinermi piumasagaatinik assignngitsunik aalajangersaanissamut Naalakkersuisunut piginnaatitsilerput. Piumasagaatini siunertarineqarpoq taarsigassarsisitsinermut atatillugu kommunimi illersorneqarsinnaasumik aningaasaqarnikkut ingerlatsinerup pilersinneqaqqinnissaata attanneqarnissaatalu aamma kommunip missingersuutininik eqquutsitsinissaata, kiisalu Naalakkersuisut karsimiittuuteqarnermut il.il. piumasagaataannik kommunip malitsinissaata qulakkeerneqarnissaa.

Naalakkersuisut taarsigassarsisitsinissamut atatillugu taarsigassarsiallu tunniutsinnagit attartornermut piumasagaataasussanik kommunelu eqqartueqatigisimavaat. Piumasagaatinut ilaapput piffissaq ungasinnerusooq eqqarsaagigalugu aningaasaqarniarnerup iluarsineqarnissaa siunertaralugu aammalu aningaasalersuineq naapertuuttoq angujumallugu ukiuni aggersuni kommunep missingersuutaanut sipaarutissanik ilanngussisarnissaq.

Oqaasertaliussamut tunuliaqutaavoq Qaasuitsup Kommunianut pisariaqartitsimmat aningaasaliissutinik pilersorneqarnissamik Akileraartarnermi Aqutsisoqarfimmuut akiligassat akilereersimasussat 52,7 mio. kroniusut pissutigalugit. Akiitsut pingaarnerusutigut pinngorsimapput ukiuni siuliini akileraartarnermi inaarutaasumik naatsorsuusiarineqartut iluarsisitsinissaat. Tassunga ilanngullugu ukiuni kingullerni Qaanaap Kommuniani, 1. januar 2009-miit aqqissuussaannikkut iluarsisooqareernerata kingorna Qaasuitsup Kommuniata ilagilersimasaani akileraartit A-t unerartinneqarsimasut akilerneqanngitsoortarsimapput.

Taarsigassarsiaq akilersorneqassaaq ukiumoortumik 17.667.000 kroninik piffissami 2010-miit 2012-mut. Akilersuutit akilerneqareersimasussanngortarput ukiumi pineqartumi 30. septemberimi. Taarsigassarsisoq ernialiusat kvartalini tamani 2010-

miit akilersussavai. Siullermeertumik ulloq 31. marts 2010.

Oqaasertaliusseq nutaajuvoq.”

Pissutsit taamaannerat Aningaasaqarnermut Ataatsimiititaliamit assut ajuusaarnartinneqarpoq, pisumili matumanerpiaq taarsigassarsiat akuerisariaqartutut isigalugit.

Nunattali Karsiani aningaasaatit tigorianaat isumannaatsuunissaat qulakkeerumallugu Namminersorlutik Oqartussat taarsigassarsinissaata siuartinneqarsinnaaneramik taarsigassarsisitsineq kinguneqassasoq isummernissamut tunngavissiami allassimammat ataatsimiititaliap immikkut maluginiarpaa.

(1) Paasissutissap tamatuma itisilernerqarnissaa ataatsimiititaliamit qinnutigineqarpoq. Tassunga ilanngullugu tamatuma taarsigassarsiassat annertussusissaannut, akilersorneqarnissaannut il.il. sunniutissai ilanngullugit paasissutissiissutigineqassasut kissaatigineqarpoq.

(2) Tamatuma saniatigut kommunip ingerlatsinermut aningaasartuutaanik appartitsiniarluni Qaasuitsup Kommuniata suliniutai pilersaarutaalu pillugit ingerlaavartumik ilisimatinneqartarnissani ataatsimiititaliap kissaatigaa. Tamanna pillugu Naalakkersuisut namminneq ataatsimiititaliamut ilisimatitsisarnissaat Aningaasaqarnermut Ataatsimiititaliamit **tunngavissaatinneqarpoq.**

(3) Tamatuma saniatigut Qaasuitsup Kommuniata aningaasaqarnerata aaqjissuussaanerani suliassat pillugit immikkut ilisimatitsissummik pissarsitinneqarnissani ataatsimiititaliap kissaatigaa.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni aammalu tunngavissatut allassimasut *tunngavissaatillugit* Naalakkersuisut inassuteqaataat Aningaasaqarnermut Ataatsimiititaliamit **akuerineqarput.**

Aningaasaqarnermut Ataatsimiititaliaq sinnerlugu

Naaja Nathanielsen

Aningaasaqarnermut Ataatsimiititaliap siulittaasua